



## Månadsbrev september 2022

Velkomen til nytt skuleår og nytt månadsbrev! Det blei ein pang start, med seks nye elevar, lærarar borte og litt av kvart som skjer, så nå er me allereie mest ei veke uti september før det blir månadsbrev.

Me kunne med andre ord ynskja 51 elevar hjarteleg velkomne, der tre av dei byrja i første klasse, i år. Det var kjekt å kunna ha med fleire foreldre på fellessamlinga i gymsalen og ta opp att tradisjonen med polonese. I løpet av veke 37 gjennomførte alle klassar foreldremøte, og undervisinga er godt i gang.

5. september lærte 9. og 10. klasse å baka lefse og jordeplekake av Torbjørg Haugen som ein del av den lokale kulturelle skulesekken og tradisjonsmat. Tysdag 6. byrjar med videokunst for 8.-10. klasse. *"Elevene får selv produsere abstrakt, fargesterk videokunst basert på videoer de filmer med telefonene sine. Elevene opplever undring, mestring og samhørighet når de på kort tid greier å forvandle egne videoer fra skoleområdet til underlige og fargesterke videokunstkomposisjoner."* Det blir ein aktiv dag, for i 4. time byrjar 5. og 6. klasse med vandring gjennom bibelen med Inger Solveig frå kyrkja, før biskop Stein Reinertsen blir med i 5. time. (Siste del av vandringa blir 15. september.) I siste time får alle møta biskopen, før ungdomsskulen avsluttar med spørjetime.



Det blir som sagt eit aktivt år, og leseår, for 1.-7. klasse er påmelde Norli sin lesekonkurransse og 9. og 10. skal vera kritikarklasse for Uprisen. Sinnes er ein av tre ungdomsskuleklassar i Agder som skal lesa og melda alle norske ungdomsbøker i år på Uprisen.no. Saman med bokmeldingar frå 32 andre klassar, dannar dei grunnlaget for nominasjonen av dei fem beste bøkene som går vidare til superfinalen. Klassen får minst 15 ferske ungdomsbøker til odel og eige og tilbod om totimars skrivekurs, og for dette må dei publisera minst ei bokmelding per tilsende bok. Dette blir spanande, og bør gje både leselyst og leseglede!

MOT-coachane er i alle fall på inspirasjonsseminar i Stjørdal og rektorane i småskulenettverket i Lister møtest på Sinnes fredag 9. Dei er spente på skulen etter om- og påbygginga.

7. klasse reiser på ei veker leirskule til Haraldvigen 12. september saman med Tonstad, Rjukan og Kringler Slattum i Nannestad. God tur! Dessverre blir det ikkje overnattingstur før leirskule, , men me kjem attende til det i god tid før det blir aktuelt. 14.-16. er Gunn Iren og Åse-Berit på ASPnet-seminar i Nordhordland biosfæreområde, nærare bestemt Lindås. Så blir det litt rolegare dagar før Elin Furubotn kjem 26. september for å ha konsert for oss. Det er òg ein del av den lokale kulturelle skulesekken, sidan me reknar ho som sirdøl etter oppveksten på Tonstad.

Sinnes 05.09.22, Åse-Berit (rektor)

